



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



PROVÍNTZIA DE SU SUD SARDIGNA



COMUNU DE TEULADA

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

# **BANDU PÙBLICU PO INTREGAI DOMANDAS DE AGIUDU ECONÒMICU, COVID-19, PO PAGAI IS BULLETAS DE DOMU**

**Bandu pùblicu po intregai domandas de agiudu econòmicu po pagai is bulletas de domu in favori de is famillias pòberas po mori de s'emergèntzia impostu da virus Covid – 19.**

**Da sa dì de su 02 de Donniasanti a sa dì de su 22 de Donniasanti a ora de is 13.00** podint intregai domanda, agiudu econòmicu, po pagai is bulletas de domu, in favori de is famillias pòberas po mori de is efetus econòmicus de emergèntzia impostu da virus Covid - 19, a cunforma de is inditus de su bandu etotu.

## **Ogetu**

Custu bandu tenit cumentu a ogetu s'ativatzioni me in su territòriu comunali, de agiudus econòmicus a famillias chi s'agatant in difficultadi po mori de is efetus econòmicus e sotzialis chi ndi lompint in deretura da custa emergèntzia impostu da virus Covid-19. Podit presentai domanda unu sceti po famiglia.

## **Destinatàrius**

Sa faina assistenziali est po is famillias, personas s'ingulas e tzitadinus stràngius, chi non tenint rèdditu, o cun rèdditu chi non bastat po bivi, ma residentis me in su comunu de Teulada.

## **Critèrius po ndi gosai**

Podint intregai domanda de contributu econòmicu is sogetus s'ingulus e is famìllias chi tenint is tìtulus chi s'inghint:

- Residèntzia, de chini domandat, me in su Comunu de Teulada in su momentu etotu de intregu de sa domanda;
- Tenni s'atestazioni ISEE ordinària 2021 bàlida de sa famìllia.

Custa faina prevedit de donai unu contributu econòmicu po personas e famìllias pari a € 500,00 a su mesi e in dònna manera non prus artu de € 4.000,00 a s'annu, po unu tempus non prus longu de 6 mesis po personas e famìllias: previdiu cumentu agiudu po circai de reduxi is spesas de is servìtzius necessàrius, francu chi s'iant giai cobertus da àteras fainas da parti de entis pùblicus diferentis chi tenint sa matessi punna. Su benefìtziu econòmicu mirat a smenguai is spesas chi s'arreferint a:

1. sa currenti
2. su smaltimentu de is refudus sòlidus urbanus
3. su callentamentu
4. su gasu de coxina
5. su consumu de s'acqua de bufai

Po is fainas chi depint abasciai is spesas de is servìtzius necessàrius, s'at a fai fidi a su rèdditu ISEE e a sa mannessa da sa famìllia, segundu is tabelladas inditadas me in su bandu.